



江還

劉南村招集古塘別業二首

草堂何處是。十晦綠雲封。午日消淡竹。寒濤起亂松。長橋收眾壑。虛閣貯千峰。坐到忘言後。微聞精舍鐘。

頗疑經世急。幽興近偏多。泥客吟風月。將家臥薜蘿。陰廊撐老樹。香逕抱殘荷。此會知難得。含情奈別何。

題勞母壽松圖

誰寫北堂上。凌雲千尺松。頂高棲白鶴。身老化蒼

龍勁節。冰霜飽。孫枝。雨露濃。清標映。姑射應不羨。
秦封。

飲齊肇逸南園兼步郊墅二首

別業荒前代。因君忽改觀。地餘城內少。天落此中
寬。池迴廊千步。煙淡竹萬竿。層樓豁青眼。松影北
山寒。

西疇來往近。不怕隔城闔。醉月歸侵夜。迷花住過
春。書臺籠古木。茅屋稱幽人。漠漠林塘晚。扁舟理
釣緝。

重陽前四日酌桂同任簡人宣亦舟張無僞

從孫軾賦

老桂吐花遲。空庭寒露滋。占天無定候。觀物每乖
時。詩受奇窮益。醫從善病知。晚香傲籬菊。但醉勿
淡悲。

寄東張秋圃舅氏遷西延郡丞二首

何幸遐荒吏。天顏覲屬車。省方蒙顧問。破格與遷
除。定臥君房轍。應題仲舉輿。不離關輔內。三錫紫
泥書。

黃龍傳古戍。鎖鑰控西都。分郡兼殊秩。專城獨剖
符。旌旗嚴鼓角。戈戟靖萑苻。莫漫憐清白。冰心徹

白鹿山房詩集 卷七
玉壺。

律成姪招集草堂因步北郭

數武得山光。城闈接草堂。烟雲飽胸臆。花鳥吐文章。雨激長川壯。春回萬木蒼。漢書堪下酒。肩共老夫狂。

杞縣尉宗姪愚若寄塞外草賦荅

小吏遠從戎。軍資萬里通。賢勞爭報國。分寸敢論功。車轉陰山北。人歸雪嶺東。異方天地別。收入凱歌中。

集紹修堂示棠枋兩從孫

世業傳清白。無嫌陋巷居。軒楹步曲折。花木影蕭疎。鶴髮爭迎杖。螢窗聚讀書。一尊三世醉。有幾似吾廬。

寄六州黃孟遷

傳道將軍樹。孫枝盡拂雲。陰濃垂蔭遠。花發異香聞。黃鵠巢千歲。鷓鴣繞一羣。蒼蒼天尺五。佳氣日氤氳。

將還山羣從復堅畱一日偕伯兄為披雪之

遊卽事六首

聚首亦云久。臨岐尚苦畱。明知骨月戀。借此林泉

遊春暮嶺猶雪。雨淡溪亂流。扶攜良不易。肯惜暫
綢繆。

雲峰指郭西。度水復穿畦。莎綠染溪步。菜香熏馬
蹏。樵歌荒谷破。邨影雜花迷。幾處閒亭館。春山鳥
自嘯。

二十餘年夢。常畱秋樹堂。舊遊人幾換。清興老仍
狂。密竹籠新翠。孤花綻古香。向山藏小逕。彷彿未
曾忘。

斷壑挂飛泉。長空動蜿蜒。山喧四時雨。雲護幾重
天。蒼嶺鶴驚咳。碧潭龍穩眠。何由脫塵網。靜對草
堂前。

一注青冥裡。層層墮急湍。幾經乘絕險。纔得縱奇
觀。峽曉中天日。厓陰太古寒。真源何處問。空仰白
頭看。

帚屐集烏衣。高齋坐翠微。蘭蓂乘雨發。鶯語冒寒
稀。煖酒分茶火。攤書泥夕暉。龍鍾慙二老。酪酏亦
忘歸。

特張氏昆季
讀書于此

三宿霜筠上人蘭若

無碍住人閒。終年晝掩關。花飛庭際雨。樹擁屋頭
山。借榻消塵夢。烹泉洗客顏。偶來遂三宿。使我不

知還

同汪老彥方及從孫軾登圭峰看牡丹示乘

一上人二首

萬仞圭峰上。花宮累石臺。青冥長在望。白首笑初來。雞犬雲中老。池塘樹杪開。等閒人不到。磴道苦盤迴。

方丈維摩室。須彌納此中。波光浮几榻。山翠溼簾櫳。不受一塵染。能令萬境空。尚嫌花引客。饒舌問旛風。

如皋范慎時太守之任筠州寄東二首

笳鼓發何處。高帆入豫章。拳帷臨郡疾。擁傳闔門光。紫氣迎鳩杖。青雲展雁行。一陽來不遠。春意滿

黃堂

太守父年八十兄第十人獨居長

想到筠州地。風流接小蘇。層軒猶可闢。片月不難呼。秋水明金鏡。寒冰徹玉壺。使君吟嘯處。花竹護

清都

穎濱監稅筠州構待月軒

送從孫軾再往龍城

汝又著征衣。衰翁何所依。夢隨千里去。心待隔年歸。雨雪春偏盛。昇平業益非。臨岐憂萬種。嗚咽對斜暉。

山中書所見二首

海內久昇平。山中忽震驚。黃昏雞犬亂。白晝虎狼爭。法弛官無用。年凶盜有名。轉思戎馬日。安穩臥柴荆。

錯辦桃源洞。翻愁樂土危。林猿棲失所。稻蟹種無遺。富室爭倡亂。田夫獨忍饑。仰天憂不細。唯有杞人知。

驚蟄後二日大雪赴飲浚莊馬上口號

尚思君往事。破雪叩柴荆。自笑此身老。忽然高興生。馬從銀海度。人向玉山行。肯讓襄陽叟。尋詩獨

擅名

內弟余介遵歸櫬率山舟次三江口因往哭之

江口送君處。哭君今再過。生離成死別。薄命悔登科。家剩遺經富。年消逆旅多。劇憐歸路遠。孤櫬委

風波

甲子冬介遵歸里余送之江上遂成永訣乙酉秋登賢書臘杪卒于秣陵今春始得返櫬

半隱園遇雲間畢雨稼

海鶴來何處。風標徹骨清。眼中驚此客。物外舊知名。壇坫九州重。江湖萬里輕。買山如有意。他日問柴荆。

丙戌初夏姚氏長孫女聞姑疾亟趨入里門
侍藥感示二詩

生女原無益。于歸算已遲。單車趨侍疾。百兩廢多儀。世態貧何媿。家風禮自持。相夫成孝德。方信顯門楣。

而翁挈家去。恃汝慰晨昏。誼重關姑婦。情輕割祖孫。乳鴉雛出樹。老竹筍離根。後約知難負。含嗔日倚門。

冬日魯亮儕重訪草堂賦贈五律

血性奇男子。純鉤百鍊成。才驚萬人敵。心小一書生。鴻鵠長存志。龍蛇豈易名。歲寒判久耐。莫視此身輕。

墮地當離亂。生還百戰場。桑麻仍異國。雨露想遐荒。填海原無補。移山未忍忘。青門種瓜客。何幸老家鄉。

龍媒知有種。端自渥洼生。論價千金賤。橫行萬里輕。空羣誰一顧。伏櫪氣難平。天路非無意。羞同肉馬爭。

聰明無不可。觸處見通林。遠溯河源去。淡穿月窟來。網羅窮六藝。囊橐貯三才。莫漫嗟天授。醫肱折

幾回

下問予何有空勞數往還。細流寧益海一簣或成。
山薇蕨甘麤飢。松筠戀老顏。買鄰如不遠。預擬叩
柴關。

聽亮儕話舊事有感

噩夢驚頻覺。寒灰歿不燃。忽從多劫後。淡話一燈
前。月黑唬山鬼。林昏哭杜鵑。中原耆舊盡。誰與後
人傳。

上弦月

半吐初弦月。寧同下澣殘。明生依日早。魄歿上天
難。星斗收芒避。山河放影寬。莫嫌輪未滿。轉勝十
分看。

哭姪壻孫安期感成二詩示四姪女兼寄湘

南

旅病三年臥。臨危返故園。若無人急難。誰與客招
魂。失怙諸孤小。長貧四壁存。黔婁當瞑目。正被有
名言。

忠孝幾人全。二難何獨賢。潔身兄守道。經世弟知
權。痛絕雁行斷。名餘鵬賦傳。妻孥更誰卹。託命阿
連邊。

白鹿山房詩集 卷七
寄東瀟山張漪園明府二首

僊令分符地名傳舊皖城放衙千嶂曉倚權一溪
清沃土饒山貨通衢控驛程常從白雲裏緩轡課
春畊

山郎紛結綬循吏正無多經濟尊儒術文章重甲
科因風飄雨露接境化絃歌天柱青霄上攀梯奈
老何

將之南浮道遇陶村過訪偕行小酌竟日
茅屋鎖蒼苔孤筇日往回正看新漲去恰遇故人
來把卷穿雲讀呼尊選石開清陰滿梧竹不讓夕

陽催

偶讀羣從咏物八章走筆和之

凌霄花

弱蔓依喬木榮華亦有時不甘長伏地還占最高
枝雨露憑空得天風任汝吹紛紛笑桃李俯視一
何卑

宵明草

宵明會有草漢紀見當年能使寒門地都成不夜
天光寧銜燭照火竟藉薪傳何物遐荒種輝爭七
曜懸

白鹿山房詩集 卷七
救窮草

太和松石下靈草但聞名數寸如堪飽終身可不
畊延年虛赤箭果腹賤黃精宇內方憂歲何當遍
野生

合歡草

恠底干莖草黃昏抱一叢冒因枝葉散不顧本根
空合力防摧折爭榮表鬱葱田家有荆樹生歿尚
相同

療愁花

愁城無計破草木借爲兵消恨猶虛語忘憂最擅
名胸前終日帶堂背繞闌生用盡花神力何時壘
塊平

不寐草

惺惺憑異卉何用守庚申却笑無知物能醒大夢
人靈根長不昧夜氣乃如神圓木寧煩警都輸片
葉春

醒醉草

舉國飲狂藥何勞神草生縱多池畔種難解世閒
醒香氣倘相襲靈臺應暫清空令獨醒者長抱采
芳情

頃刻花

瞥眼驚花放休誇異術工有形真亦幻何物色非
空生長寧由地凋殘不待風世閒榮悴境約畧此
相同

戲題齋頭牡丹

百卉春開徧終尊第一花誰知真國色轉不戀豪
家牋襪纏頭錦杯流暈臉霞荷衣香染透也覺泥
繁華

紫牡丹

同是冠羣芳魏家偏擅場却嫌非正色何幸亦稱
王艷似燕支種熏疑安息香妖紅紛滿眼誰復問
姚黃

春分後一日石樓道人過訪南浮同蔣石邨
坐栖碧堂蔣陶邨適至茶話移日拈韻分
題得五微

幾番隨客到白板啟雙扉地主不能住遊人何恠
稀厓紅花自笑汀綠草初肥冷落尋幽興終輸老
布衣

再用真韻

此地人人愛知音定幾人由來山水趣原本性情

白鹿山房詩集 卷七
真鹿豕偶然聚鳧鷖亦解親忘言相對久笑指坐
禪身

再用冬韵

不信一丘小千巖萬壑重試登臨水榭還有隔江
峰石空勞天鑿潮寬儘地容許多詩画藁收不盡
遊節

再用刪韵

高下千叢石曾無一片頑寧甘拋澤畔不肖落人
閒丹碧摹真画玲瓏學假山匠心良亦苦却訝鬼
工閒

再用灰韵

千樹繞山梅春風著意開可憐終日憶那得故人
來薄靄籠晴雪餘香漬古苔枝頭換新綠惆悵首
空回

再用尤韵

轉眼看新漲林巒散十洲屋同槎上坐人向鏡中
遊水月兼天合雲濤帶日流後期如不負一葉有
蓮舟

送別偉貞道人還揚州法雲寺二首

竹西歌吹地古寺立巒岼破曉一鐘動滿城清露

寒蛟龍收盃底海岳現豪端多少繁華夢長懸冷
眼看

熟路知難忘孤帆千里來山畱休夏住潮送結冬
回鶴影江天迴猿吟暮嶺哀相思餘片石履迹滿
蒼苔

丁亥秋杪陳氏妹將歸瀨江因同拜墓柴林

感賦四詩為別

二十年前路今來已七旬誰知萬峰頂重拜異鄉
人風雨哀先壟煙嵐中老身畢生香一瓣血淚滿
松筠

多難產全破相迎病強扶家聲墜房杜族望忝劉
盧手足終難戀饑寒正可虞兒孫雖滿目何計得
支吾

齟齬背雙親伶仃嗟兩人冰霜餘白髮江海散青
春故國光陰少離亭涕泗頻他生能共乳莫誤女
兒身

亡妻常盼汝為我慰窮愁無計了婚嫁殘生終馬
牛家風憂日替書種仗誰畱向後何人語翻令羨
首丘

紀異

正覩昇平樂天心何所猜亢陽秋轉劇新漲夏偏
回雷電翻陰令溝池蕩水災憑誰問休咎難辨劫
餘灰

水溢

丁亥十月初四日

潮汐冬全斂忽然溝澮盈水非因地動波不藉風
生野港奔鯨突洿池沸鼎烹亦知陰氣盛占驗究
難明

同蔣石邨坐雪雲臥樓感賦三首

近年冬雪少驚喜六花飛豈惜人僵臥惟憂歲洿
幾土膏疏凌凍蟲孽剪寒威只恐天難測民生事
日非

極目境荒寒窮陰逼歲闌雲昏天慘慘雪壓野漫
漫一徑漁樵斷數家煙火殘誰能免饑凍不忍把
杯看

清景人爭愛奇窮物自悲寒鴉蹲凍樹饑鷺啄冰
池衰柳迎風折修篁到地垂孤吟披短褐此意竟
誰知

題泮溪唱和詩後寄潛江李惠符

名園在何許開卷意翛然境闢詩中畫人遊夢裏
仙煙波迷島嶼樓閣聚山川好向花溪處爲余一

白鹿山房詩集 卷七
楊懸

羅阮嘯偶過草堂坐雪十日乍霽將歸喜蔣

石邨至卽事分賦二律

雨雪動旬日春光何易殘人皆斷來往君豈惜盤
桓蔀屋天長昧荒邨火亦寒哀鴻嗟滿野對案不
能餐

不想朝來霽衝寒怯馬蹄殘雲癡戀日古道化成
泥忽接意中客還分醉後題陶陶祗今夕莫遣曙
鴉嘯

寄示雙石菴雪鑑長老

幽境藏何處寒山引磬聲僧高松紀臘院古石知
名半榻分雲臥雙眉蘸雪明還期入淡竹趺坐問
無生

戊子夏五感示兄子正璆

子衿安足道喜出聖人門捷徑于今濫明經自古
尊功名非紱冕詩禮得淵源房杜家聲重艱貞慍
後昆

蹭蹬已云極遭逢纔是真能知千里馬只有九方
歎孤賞存公道酬恩在立身藏刀須善用莫恃發
硯新

戊子仲冬初度七十避跡懷廬雜述十首

嶺雲高不極將我入虚空世界拋何處天心見此
中清吟和山鳥洗耳受松風寂寂荒寒境孤懷誰
與同

細雨飛成霰清池旋結冰佳期虛老友淡話對閒
僧酒冷殘爐火書昏破壁燈更誰乘逸興覓路白
雲層

向來周甲子匿影傍荒阡誰料十年後還登萬仞
巔滂零新雨雪夢繞舊林泉悔不長畱住桑榆意
惘然

劬勞哀此日一息歎猶存豈少兒孫樂難忘父母
恩病身扶載拜老淚杖無痕風木終天恨椎牛盼
後昆

十年經一度羣從集柴關松菊仍三逕鸚鵡更幾
班家風傳舊第祖臘寄淡山獨有人琴痛偷生愧
老顏

仲叔兩兄
皆先逝

傷心萊婦沒嫵黨亦消磨叢桂凋何易芳蘭鋤更
多崦嵫憐暮景風雪聚崑阿眼底人三世能看幾
度過

妻黨疊遭凶喪今弟姪姪
孫自沱川至者凡四人

兒亦年將艾生涯悞一官躬畊能繼志飲水有餘

白眉山人詩集 卷一
歡鼠穴乘車幻羊腸叱馭難笑渠謀祿養首菑
空盤

極盛難爲繼家聲海內尊負薪憂稊子捧硯冀雛
孫書種誰堪托天倫勉共敦杞楓餘蔭在七葉抱
孤根

畊鑿從先世花源老避秦衣冠化猿鶴霜雪戀松
筠妄想羲皇夢空畱草木身寸心長自抱沒齒未
嫌貧

壽考豈非福其如生不辰微軀雖長物畢世總勞
人夢幻迷蕉鹿紛紜厭海塵翻憐繫腰叟身世飽
酸辛

柴林山頂坐雪

窮陰昏六合上界雪離披一夜千峰没人閒知未
知寒透裘不敵風勁酒難支凍斲烏三足微陽復
幾行

聽石翁郡歸夜話

朔氣凝坤軸窮陰慘歲寒百年天夢夢八表夜漫
漫網密鱗難隱巢傾卯詎完獨憐班草客相對滄
汎瀾

黑風翻碧海赤血雨青天碩果一朝盡灰灰何處

白鹿山房詩集 卷七
焮獲麟徒飲泣化鳥更誰憐萬劫畱長恨惟憑野
乘傳

酬蔣廣文弱六二首

浣花谿上老吏隱意何如挂眼千秋鏡藏身一卷
書春風入座滿江月映庭虛刷羽忘雛鳳寒氈樂
有餘

千鎰黃金賤難逢柳伯騫幾曾識半面何幸枉新
篇川漲迎鷗鳥山花簇杜鵑籃輿肯乘興相待有
林泉

答元彥招看齋頭杜鵑花同湘舟作

杜鵑千葉少此地見尤難鳥已催春去花猶耐久
看丹霞流卷軸紅雨落杯槃躑躅非無艷終慙野
趣寒

磊齋冒雨歸自慧山停車過話感而有作

寄跡有閒地高眠大市中烟寒潑火雨春老落花
風要路千場博羣生一字窮却憐塵網密不放坐
禪翁

張繼文孝廉招同答元彥阮退思潘友石諸

君卽席口占

漁莊秋水上曾泊孝廉船相對未移晷相尋已隔

年盤餐驚野老，帚屐集名賢。高論貪深坐，何愁雨
滿天。

贈羅阮嘯

湖邨何處覓浩渺，入滄洲水合長天。澗入餘片地，
浮蛟龍籬下。伏鷗鷺坐中遊，信是海邊屋。今添第
幾籌。

何用別求仙，軒岐手一編。餘功還及物，却疾自延
年。世味淡秋水，道心遊洞天。支離慙失學，白首意
茫然。

白鹿山房詩集卷八

桐城方中發有懷著

七言律

西江雜咏五首

浩渺滄波捲碧天，風光滿目舊山川。九江春水瞿
唐雨，五老晴雲楚澤烟。千古英雄何處去，幾篇詞
賦至今傳。淒涼多少興亡事，空剩沙鷗伴釣船。
關河閱歷一千里，烽火凋殘二十秋。邨樹多年巢
社燕，春田近日有畊牛。過湖山覺東南少，背越江
偏西北流。風景蕭條風土異，感時去國不勝愁。

貴溪城脚壘山根磴道深穿次水門石壁隔江青
入縣樟花比屋白成邨荒祠露冷麒麟臥古寺塵
埋鳥雀喧莫向橋東更閒步夕陽衰草遍名園
隔岸晨鐘催客船孤城曉角破愁眠雞聲叫落一
江月鳥語喧殘十里烟石鼓渡荒春寂寂金沙灘
急雨潺潺無端茅屋青山下恰似柴門到眼前
晴烟寒雨滯輕舸盡日東風百丈勞裊裊漁竿搖
柳浪喧喧雲碓亂松濤山連閩嶠嶺初峻灘過弋
陽江轉高最苦鷓鴣啼不住客愁無那首頻搔

崇安道中

征戰初收靖海軍荒邨幾處見畊耘溪聲北下梨
灘吼地勢東從柘嶺分水碓春殘三月雨春田犁
破萬山雲戍兵老記當年事拍入悲笳不忍聞

雜詩四首

一庭烟雨閉松杉滿徑蓬蒿竟懶芟每笑文章工
画筭獨傷性命託長鑱愁心亂比因風絮世路茫
如度海帆莫向酒闌思往事幾回雙淚溼青衫
久判藥竈作生涯瘦骨槎枒漸比柴形影敢辭窮
鬼笑詩書空被昔人埋縱令我法終難用何至卿
言亦復佳朔雪炎風看爛熟誰爭溝壑向吾儕

話到齊諧總莫憑。蓬蒿樂得笑鷓鴣。昆明劫後灰
常有華表歸來鶴。幾曾世運斷難爭。暮槿人情差
可敵。春冰遊仙自是無聊思。蔓草多年塌茂陵。
數卷殘書未忍拋。餘生只合困蓬茅。鼠肝蟲背將
奚適。馬渤牛溲漫解嘲。劫火難燒唯世態。浮雲易
變是貧交。轉憐多難邀天幸。完卵居然出覆巢。

皖江阻風送姚望侯之粵

夜雨孤舟客夢同。晚潮不及石尤風。鄉心一路鶻
聲裏。書信三春雁影中。江北柳殘花正白。嶺南柳
熟酒初紅。自憐飄泊常辛苦。笑爾無端亦轉蓬。

還山前一日。譽子弟招飲不果。赴詩以謝之。
江岸柴扉百里賒。客心早已入烟霞。驚殘曉夢爲
嗁鳥。斷送春光是落花。骨月漸親因老大。文章無
分負年華。酒杯不及新詩好。一路行吟直到家。

陵陽署治白蓮詩和姚六康明府

淡烟疎雨颭斜陽。冉冉輕風拂練光。特與清流傳
本色。羞從濁世鬪紅妝。停雲一片秋無影。冷露三
更月有香。莫認若耶新侶伴。開元畱得舊霓裳。

天雄道中感述四首

先會祖廷尉公起家大名司李九年擢御史先祖中丞公崇禎末起

河北屯田復鎮大名

百花塢底柳條新。五鹿墟邊舊戰塵。司李分符猶
 萬曆。中丞出鎮已崇禎。兩朝恩澤漳河水。異代歌
 思魏郡人。祠廟荒涼兵火後。蘋蘩何處薦先臣。
 先皇本意託孤忠。豈謂中樞嫉戰功。宣室虛徵賈
 太傅。天雄早出寇萊公。徒薪自古無恩澤。煬竈何
 人敢異同。若使廟堂俱議勦。赤眉爭得過河東。
 中先

丞公撫楚議主勦賊忤揚武陵被陷戍越旋蒙賜環名對陳芻蕘小言
 先帝將大用之復為陳井陘所沮設屯撫出公于外請兼名募不許蒞鎮未

匝月而京
 師陷矣

臨危漫講金城畧。鎖鑰何心寄北門。三輔當時都
 瓦解。兩河無地著兵屯。可憐玉輦升天日。只有銀
 人泣漢恩。極目馬陵秋草路。誰輸籌策失乾坤。

節鉞臨戎三十日。烽烟一旦沒神京。眼看將吏皆
 成賊。痛殺朝廷禁請纓。借箸遠煩關外馬。降旗又
 出石頭城。倉皇奉母歸林壑。幸保黃花晚節名。

戊申元夜家叔兄素北二姪正孺來山小酌

分賦

濁醪淡話草堂春。荏苒流光感病身。年少弟兄曾
 幾日。眼前子姪又成人。梅花開罷許多樹。山月重
 圓第一輪。豈惜窮鄉燈火寂。繁華無事可關貧。
 首夏仲兄位白同譽子弟東下雨中過鹿莊

言別

柳堤松徑枕山邨。尊酒淹留老弟曩。寒雨一天低嶺樹。江潮連夜到柴門。無多歲月供離別。從此池塘足夢魂。計日秋風遊子倦。那堪西望憶鄉園。

春夜感話四首同叔兄作

寒窗夜話共沾巾。生事稍同尚有親。百歲三分寧便老。半生孤苦枉爲人。世多白眼難來往。家在青山合賤貧。天意悠悠不須問。楸枰勝負定誰真。壯志消沈欲怨誰。十年歲月老驅馳。事當失意工還拙。人到傷心笑亦悲。無數落花隨水去。半枯衰

柳得春遲。朝來偶作華胥夢。夢入華胥轉自疑。月落鴉啼小閣寒。燈前愁緒正無端。好書萬卷讀不盡。芳草經春看又殘。老大漸驚兒女貴。伶行纔識弟兄難。多時怕聽淒涼語。今夜爲君淚幾彈。嶺雲溪鳥久相期。底事淹留卜築遲。人世等閒花上露。生涯荏苒鬢邊絲。眼前杯酒猶難足。身後虛名那得知。但買青山隨處好。欲求如意定何時。

上周櫟園先生二首

元禮龍門海內推。草茅常仰大名垂。星辰劍履三台座。河嶽文章百世師。半面自慚無舊識。寸長何

意受深知。迂疎敢引通家分。物色塵埃遇獨奇。
旌旄當日駐揚州。猶記先人說舊遊。蜀井烟花無
限詠。竹西歌吹豈知愁。自從獨鶴歸三島。惟有長
松耐九秋。一拜幸逢塵劫後。果然江左占風流。

辛亥春世父粵西難作仲兄繫尊經閣二首
貧居咫尺隔天涯。信有人間生別離。欲慰庭闈徒
寄語。幸拋兒女免增悲。風搖冷閣更聲急。雨打荒
階草色知。猶幸常年經逆旅。破巢安敢恨羈縻。
想到窮途骨亦寒。却憐對客強爲歡。親存敢說輕
生易。吏橫惟愁忍辱難。每信傳聞增涕淚。轉疑書

札報平安此身已辦填溝壑何幸頻分首菡盤

時廣

文趙先生朝
夕餽餉不絕

送嚴鼎卿省侍嶺南幕府

豹尾螭頭射策工。辭家萬里學從戎。俠腸每向窮
人熱。豪氣偏凌上將雄。百粵樓船新節度。三秦甲
第舊邊功。王師早晚收炎海。兩世勲名一代中。

陶菴登濯樓

新開精舍曲湖東。小逕危橋曲曲通。野水玲瓏淡
樹裏。秋山向背夕陽中。千竿竹影繞樓碧。一片荷
花帶客紅。恠得老親歸意淡。我來已覺世情空。

快閣

黃山谷為泰和令。有登快閣句。至今傳為絕唱。和者甚多。

高閣臨江迴出塵。山川閱歷幾回新。偶然盛事歸前代。多少閒愁與後人。瓦礫一城征戰地。風波滿眼別離身。落霞秋水青天遠。欲薦涪翁無白蘋。

示內

漸看絲鬢欲氈氈。萬恨千愁已盡諳。善病枉勞求益母。忘憂畢竟待宜男。誰知好夢真皆幻。耐得茹荼苦亦甘。若向天心爭厚薄。人間多少事難堪。

雪中

谷沒崖沈大地平。微風浙瀝紙窗鳴。乍驚塵土清如洗。轉訝陂塘黯不明。萬籟無聲天入定。一寒徹骨火偷生。下階自埽梅花片。半縷茶烟煮石鐺。

雪後

小立荒堤意悄然。柴門回首積昏烟。千重雲樹寒無奈。一色溪山清可憐。僵手欲龜嫌袖短。縮身如蝟笑裘穿。歸來忍凍看新月。幾度風亭喚不眠。

冬至

窮陰誰遣一陽回。乍見庭梅破凍開。三逕雪深寒鳥散。孤邨葉盡遠峰來。日車只許添愁線。律琯應難動死灰。却笑天心渾不見。占雲幾度誤登臺。

壬子除夕

椒漿奠罷獨徘徊。萬恨都歸此夕來。家室飄搖幾
風雨。庭闈涕淚滿蒿萊。俗緣半爲癡兒淡。壯志頻
因故友灰。富貴不能閒。不得教人懷。抱向誰開。

癸丑元旦

一度逢春一黯然。高堂况復痛終天。家人合坐無
前輩。歲酒多時讓少年。周易堆床編總絕。漢書插
架誦難全。不才自分甘遲暮。負荷深慚父祖賢。

郡歸道中有感

集賢門外大江偏。遶郭逶迤抱水田。雞犬聲中犁
夜月。桑麻影裏醉春烟。歲豐况值蠲租後。邨密都
忘破國年。不是兵戈稍休息。風光爭似太平前。

黃澎渡

古寺平橋野岸邊。綠楊長繫渡頭船。江南江北無
多路。帆去帆來幾百年。萬頃風濤閒浴鷗。一城烟
雨亂唳鶻。春潮秋汐常依舊。只有行人不似前。
除夕雲臥樓示璿璠兩姪

日車翻老舊。乾坤剩水殘。山故故存看。破世情憂
患。力得依先壠。賤貧恩雞豚。社古藏身穩。松桂陰
深斲俗喧。漫道梅花開未盛。東風難得到柴門。

甲寅元旦

椒花正擬頌昇平豈意天南忽震驚
萬里烽烟纔告變八荒草木盡疑兵
居民早已空城竄重地應將禁旅迎
莫道山中可高枕春盤從此醉難成

客有貽走馬燈者醉後戲題八首

銜枚隊隊擁貔貅電激星馳敢逗遛
劫火輪迴剛轉盼兵烽角逐又從頭
尚聞千騎遊隋苑未見三更破蔡州
斗大乾坤爭不了會須日出燭纔收
華不注豈止三周蹴踏風雲動九州
錯認紅光生夾馬虛將紫氣待乘牛
蟻封眼見盤旋熟犀渚心驚燭照愁
莫訝直前無退步從來一發便難收
漫愁轍亂與旗靡剪滅居然不介馳
輕騎夜煩趨泚水環營日恰夢鮮卑
白書所木原先料絳帛衣牛儘出奇
骨斷誰人憐驛使英雄方喜髀消時
刀光的爍繞虹霓閃閃朱旗入眼迷
捷足何人司指示橫行彈指徧東西
並驅鹿豕知誰手三匝烏飛莫後棲
兵氣難銷騰暮景先鞭只恐負聞雞
戲教舉火竟徵兵渭水甘泉照徹明
炬滿千林歸夜獵烟騰萬竈促宵征
解鞍縱臥追初脫按轡徐行到始驚
直埽欃槍旋錦纛歌隊裏奏昇平

鞭影休勞擬御風，驍騰無計出樊籠。
燒殘赤壁曹瞞北，焚遍咸陽項羽東。
何日墮驢聞大笑，一時附驥倖成功。
紛紛騎虎憂難下，顧盼終愁矍鑠翁。
荷戈擐甲竟安之，駒隙光陰賺阿誰。
滅跡看他隨跋燭，危機莫自倚懸絲。
易頭吐火人空幻，剪紙招魂鬼亦悲。
轉恨偃師輕作俑，致令膠革弄鬚眉。
八駿爭追穆滿遊，夜長秉燭莫遲留。
熏心熱焰奔趨急，轉瞬流光幻化愁。
衣繡誰思歸故里，凌烟癡儼畫通侯。
看場笑擁兒童戲，漏盡鐘鳴休未休。
首春雪後借劉超宗葉赤公汪河發孺姪

梅月溪止宿徵已上人禪院

院爲孫氏別業

司馬風流遺勝地，幾時零落鎖烟霞。
溪聲尚引遊人屐，山色長歸老衲家。
一逕寒雲團野竹，萬峰殘雪壓梅花。
兵戈漸起年華老，珍重尊前白日斜。

同河發登雲臥樓

經旬花逕碧苔封，繞舍清陰綠萬重。
重新漲直通支浦，路當檐遮斷隔湖。
峰麥秋到日爭秧，馬梅雨多時解籜。
龍一枕黃鸝消午夢，不知何處有兵烽。

雪夜投宿稻花齋

劈面寒風醉不知，溝塍盤折蹇驢遲。
孤邨烟斷雪

白鹿山房詩集 卷八
千頃萬木夜號雲四垂山逕多荒寬轉錯柴門頻
認到還疑地爐暖藉牛衣臥較勝紅樓况亂離

錢田間先生雪中貽詩垂訊走筆奉答

筆格書床興若何從教雨雪徧山河開元鶴髮遺
民少關內羊頭拜爵多家祭無人知舊臘酒酣入
市忌悲歌鹿門卜築新鄰近願耦躬畊老荷蓑

除夕

此身已辦委烽烟松火邛醪意外緣眼看江山歸
暮景翻嫌雨雪滯殘年睡鄉垂老遊無分酒地埋
憂拋可憐閒話莫辭通夕坐生涯漸恐不如前

乙卯元旦

屠蘓拈罷感蹉跎彈指流光奈爾何同是五倫佳
境少平分一世壯年過詩書久賤藏無益茶蓼頻
嘗味轉多風雪滿天鼙鼓急幾時春得到山河

三宿華嚴寺偕叔兄遍歷浮山之勝

青鞋布襪興闌珊努力貪追數日歡老大弟兄閒
聚少亂離山水快遊難聽殘夜雨鐘聲溼踏破春
雲屐齒寒共笑病餘眠食減連朝不覺斗加餐

宿龍潭橋舊莊舍感作

生計凋零敢怨天每經故業一凄然槿籬茅舍還

白鹿山房詩集 卷八
依舊月色溪聲自可憐
路斷桃花成隔世
徑歸松菊是何年
江山幾度英雄恨
况是書生數畝田

田間先生畱飲北山樓與仲兄作

釀雪陰風透骨寒
清尊莫惜盡餘歡
舊遊指點圖經誤
往事凋零夢想難
藥盃光陰何恨速
糟丘天地向來寬
憐翁扶病支筇久
白髮蕭蕭興未闌

感呈左橋亭先生兼寄樾巢老人

爛柯曾許看棋來
奪角衝關又一回
朝菌原難知晦朔
滄波自易淺蓬萊
獨傷夸父魂難返
猶喜愚公志未灰
寒谷自憐春有限
歲寒偏望老梅開

河發以兵阻不得渡江復來山中感話二首

且投征轄避江烽
把酒閒消壘塊胸
買骨幾曾求死馬
點睛都認你真龍
千緡落葉書愁少
百斛新筍瀉恨濃
嘆息鍾期絃久絕
褰裳何處更相從
半窗殘日亂峰明
四壁驚風萬葉聲
同病未嫌分藥椀
苦心聊與試碁枰
寒潮落岸回頭少
社燕辭巢顧影輕
朝市升沈元不問
昨來爲爾一關情

病眼

天視夢夢日月荒
何時刮目覩清光
蠅頭書廢燈前課
驢背花殘霧裏香
白眼正嫌遭俗忤
青盲端

可託身藏翻憐蓋世重瞳子空灑悲歌泣數行

中秋周爾宜暨楊寄園業師過訪小集便足

樓玩月

一尊何意許論文恰恰秋光此夜分四海悲歡歸

片月百年身世指浮雲侵堦蝥語寒相訴隔院花

香醉忽聞莫訝塞鴻遲不到極天烽火怕離羣昇日

正值秋分節

小年日偕仲兄還山寄園業師適至

蹇驢荒草送殘暉竹塢烟淡一逕微五日臘如京

兆罷再回春似子卿歸歲時丘壠相依少喪亂交

親遠過稀松火坐灰寒燭燼酒闌惆悵掩荆扉

除夕

一尊聊與餞斯須夜雨寒侵榻拙爐投老漸消鴻

鵠志忘形常任馬牛呼癡堪稱絕何當賣鬼尚憐

窮未忍驅征戰初酣羸病久生涯猶妄擬桑榆

丙辰元旦同內姪余心一長甥陳廷華及兒

姪輩小飲

兵戈三見物華新尊酒柴門幻夢身生長多非前

代客團圍聊借異鄉人老來歲月逢春賤貧裏交

情獨病親轉眼東風遍花柳年年霜雪自松筠

雨中坐便足樓鳧示弟移尊相餉

行樂何曾許及時韶光浪擲一年期
閒愁似霧堆難埽佳興如花放
已衰日短春陰昏曉誤路沈溪
漲往還移燈前笑把聽鶯酒
共作寒窗話雨詩

罷歸遇雨投宿木瓜園

滿天寒雨滿林風望斷家山十里中
水沒河橋昧淡淺霧沈邨舍失
西東言常苦拙門誰叩車不能
回路始窮幸有故人懸榻在
燎衣相對笑英雄

社日雨中

竹塢烟昏碧嶂空寒林蕭瑟一溪風
雨酣簾幙書聲外春老楸枰燭影中
門巷經心迎舊燕關山殘夢滯
歸鴻鼓鼙苦厭書生耳邨酒何勞
更治鼙

雨阻看花不果戲呈叔兄

虛擬花枝爛漫新闌風伏雨不成
春無端開落浮生夢難定陰晴
亂世身山水尚窮如意事韶華偏
累有情人廿年遠想休惆悵笑未
桃源早結鄰

送叔兄還稻花齋

踏遍春邨未見春只羸風雨聚經旬
舟車旣具晴纔穩花鳥無緣山覺貧
盈縮潮痕重到約卷舒雲影暫來身
亂離他日如回首似此閒遊是幸人

江上

跋浪鯨鯢迴自驕迢迢天塹擁金焦真州北接長
淮近京口東連百越遙吞吐山河生歿月升沉并
邑去來潮眼前多少興亡恨那得閒情弔六朝

勝因寺

寺爲唐溧陽縣治城臨北湖太白
曾有題句今立東壩湖皆成田矣

平陵井邑幾推移梵刹猶存歷代規遼海城非無
鶴到昆明灰在有僧知松深古殿搖寒磬草合荒
亭沒斷碑一自北湖題句後桑田畊種已多時

瀨江唐五聚邀遊夏林主人出家僮演劇歡
飲竟日同董班若及家仲兄作

十里河邨画舫輕桑麻繞舍雨初晴板橋香徑亭
臺影曲巷疎籬雞犬聲盡日笙歌忘戰伐百年松
檜想昇平醉歸多謝沿堤月不惜清光送入城

拜陳芝山相國墓

荒草孤墳十載餘千秋竹帛竟何如淡知心事同
王猛未免功名悞伍胥鉤黨有人傳八顧招魂無
賦弔三閭獨憐一片松楸地還是南陽舊草廬

舊居強埠後
乃廢屋而葬

除夕

等閒天地一蘧廬又借勞人卒歲居妄想全消爲

短髮浮生堪戀只殘書蟲如負版貪何益蠹倘成
仙樂有餘却笑無窮寒暑境年年推曆費乘除

丁巳元旦

煖爇松盆徹曉明荒邨積雪凍雞聲重添歲月供
貧病儘擲乾坤付戰爭帽袴久忘今昔感壘茶空
負祓除名憐他垂白東鄰叟猶指餘年見太平

超宗踏雪見訪小飲竟日

枯坐圍爐擁敝裘溪山凍合逕難求煥寒愧我非
元寶放權除君無子猷酒興顛狂和雪舞詩情慘
淡共雲愁數聲驢背聞長嘯萬壑風生滿竹樓

雪後宿溪莊

偷閒半日且高歌肩把殘年老折磨日阻危峰寒
逼早烟消平野月收多一方簾影和花捲幾陣鐺
聲帶雨過笑指德星連夜聚兩家子弟較如何前超

宗過予兒姪四人侍坐今予過溪莊席間亦子姪四人故戲及之

與超宗約訪朱農山

空庭竹影覆閒身對月誰如吾兩人惆悵舊遊成
夢想思量垂老覓交親未能免俗那堪語乍可在
歌不礙貧石構山邊餘野鶴蕭蕭白髮一遺民
雨中友人過訪超宗適至

有客還來夜雨中青燈冑放綠尊空征鴻踏雪初
何意苦竹凌寒自一叢斗柄招搖猶北極梅花漏
洩已東風酒狂久矣輸年少漸漸飛揚讓老翁

道經黎刺史攢屋阮處士墓感作

邨逕逶迤轉不窮衝泥難沒蹇驢功翻身一雁斜
陽外回首千峰積雪中華屋吟殘黃葉路酒壚泣
灑白楊風廿年多病成疎放冷眼人閒萬事空

清明日坐高館示周卜姪

是日恰值上巳

百五重三併此晨典衣沽酒不知貧一籬風雨消
春色滿檻江山倚病身漫想流觴臨曲水且分新
火與比鄰北邙未是傷心地猶勝沙場暴骨人

太平寺看梅呈八目禪師

幽逕行吟數往回萬松山下一株梅同時索笑人
皆老此日重遊花正開鐵榦獨能撐佛日天香長
與護經臺蒲團坐斲昆明劫却笑名心尚未灰

萬壽閣

梵王高閣俯長川回首登臨十二年烟火萬家屯
落照帆檣數點破遙天隔江晴岫青堪數遶郭寒
濤白可憐自是空門長不壞人間幾度海成田

送錢鴈湖劉淡莊授經豫章董中丞幕府二

首

離思常懸日暮雲異鄉今許共論文滕王閣上簾
憑捲孺子湖邊榻儘分西漢將軍多揖客東都處
士欲空羣盾頭磨墨英雄志露布鏡歌早策勲
春風容與木蘭橈燕語鶯啼晝漏饒榆莢乍寒三
月雨桃花新漲九江潮遭逢似此應非偶貧賤依
人莫自驕努力雲霄望公等高眠讓我老漁樵

清明展墓浮山晚抵報親菴值叔兄同到竟
宿而別感賦四首

一笑相逢夢幾曾苔階雙屐且同登偏因客路連
朝雨恰共僧窗永夜燈野竹生花愁歲惡山魈擲
瓦兆兵興犁鋤甘向衡門老滿目烟塵恐不能
悔煞精廬卜築遲迎親豈料永無期可憐伏臘牽
衣願只有清明挂紙時苦筍盡含朝露泣荒林長
抱晚風悲淡恩不向空門斷粥鼓齋鐘總淚垂

迎養世父旋以
難作不果歸

忠魂歸傍舊松楸捨地呼天恨不休終古祇應嗚
杜宇當時誰料掩瑕丘瓦全深愧存黃口野歿偏
傷累白頭侍藥那堪追往事異鄉孤燭兩人愁

難中余與兄侍疾吉州沒後
附葬先王母吳恭人墓側

戢影非關薄世榮不求杯酒豈求名猶知力學衰
先至正擬偷閒亂已成墳典縱揆猶妄想烟霞孤
癖似前生如何鄉井離羣久把臂翻期五嶽行

內兄余見遠自率山枉訪山莊感而有作

木葉蕭蕭冷碧波尊前風雨廿年過兵戈滿眼閒
身少憂患平生得力多謝氏庭階唯女可陶家紙
筆奈兒何寒燈坐對憐同病淚灑秋江一曲歌

見遠

尚未生子

大姪正璠臥疾山中感示三首

時值其三十初度

玉筍參天影漸繁今朝飲水敢忘源百年七鬢歸

宗子七葉縑緗領後昆世業但求甘苦喻家聲不

藉顯榮尊可知大噐成須晚莫向牛衣拭淚痕

懸弧記是庚寅歲介壽還淡兩世思冰舍衲寒強

仕日柴桑酒熟杖鄉時堂前繡祿添歡劇嶺外丸

書正亂離轉眼孫曾年已壯白頭如在未期頤

庚寅

中丞公六十文忠公四十正在天末冰舍

生長家門便轆軻羊腸世路飽經過齊眉健婦無
衣苦繞膝嬌兒索飯多閣上序思親老矣牀頭易
奈叔癡何躬畊妄托英雄跡只解相期守薜蘿

時伯

兄授經豫章幕府

馬巖冲遇後以詩寄同學諸子因用來韻奉

答

丹梯獨步上螭頭回首雞壇念昔遊
繻似終軍端合棄筆非定遠
敢輕投文章豈藉科名重
姓字須憑史冊畱
報 道君房煩努力
狂奴只辦老羊裘

己未除夕

時畱遠
客度歲

生事紛紜逼歲窮
澆愁肯放酒杯空
蜡迎貓虎年何有
曆盡牛羊臘未終
不分閒身輸旅客
豈容樂趣讓兒童
連朝也辦尋幽去
恰恰消磨風雨中

庚申元旦

終歲勞勞喜暫休
今朝生事又從頭
拋除歲月同芻狗
擁腫形骸類土牛
坐見海塵三度起
夢回宮漏六更收
流年漫擬春來好
幾見新符換舊愁

雨中登太白樓

直從楚尾下吳頭
書卷茶鐺一葉舟
到手江山肯輕放
滿天風雨獨閒遊
是非那管千年鶴
浩蕩難馴萬里鷗
笑問謫仙誰似我
不關名利此登樓

瀨江舟中寄東董班若

又是扁舟觸熱過
酒壚舊伴邈山河
家貧本分官難得
世變新聞事苦多
草野只今餘涕淚
園林無

處覓笙歌到門莫訝空回權興盡山陰可奈何董
次久應謁選竟爲新例所壅 漂
屢值凶荒近又病疫且有水災

毘陵道中

瘡痍極目竟如何又見新疇委白波藉草壺漿饒
野哭蒔秧簞笠罷田歌人烟寂寞晨雞少鬼火縱
橫夜犬多嘆息東南民力盡軍輸猶自急催科

呈徐果亭太史四首

鵲鴿詞賦久空羣華省憑君鼎足分點出金篋同
及第捉來彤管總論文班行歷亂三株樹占奏頻
繁五色雲今古大魁人不少弟兄衣鉢幾曾聞

幾道鋒車促侍臣棲遲何事戀松筠東山高臥寧
忘世北闕酬恩幸有人兩部雨蛙新鼓吹一竿烟
艇舊絲綸黑頭早負三公望肯讓林泉便乞身

瀛洲姓字本風流况是鼇峰最上頭草就白麻關
一代汗成青簡定千秋石倉卷軸多藏弃藜閣丹
鉛儘較讐豈有人閒書未見秘圖還向羽陵搜
寒江風雪滯征輪咫尺旌麾未敢親放櫂偶爲三
泖客造門忽到五湖人免將責沈慚先達漫道歸
韓託後塵懷刺笑非珠履隊草衣芒屨穀皮巾

庚申六月十七陽羨湖中遇盜

時自青浦歸里道
過溧陽未至七十里

地名
團圞

拋身何事在他鄉
游戲偏逢點鬼場
波底驚魂招北固
刀頭餘命乞南塘
蠻彝馬革那堪比
風雨牛衣敢自傷
只恨平生心血盡
詩囊書篋一時空

四月

朔泊京口有覆舟之厄是夕風雨大作從邨舍乞東藁擁臥達旦凡生平所錄書籍及七年來拙句三吳諸公贈答詩文卷軸盡在行笥無片紙存

立秋日過姑溪曹氏是夕值演曇花座閒感

示念桐表弟

執手寒溫話不成
且教下馬聽新聲
絲簧入耳偏增感
傀儡逢場歎此生
北海依然盈座客
西州還過醉吟甥
曠懷彷彿人如在
只當辭家向子平

蕪關歸舟口號四首

陰霾兩月雨初晴
十幅蒲帆恰有情
驛宿如期知夢穩
關征無分恃裝輕
安流却訝歸程短
破浪都忘逆水行
風景自佳人自苦
寸心灰冷歎餘生
鯨牙虎口已魂搖
江上還逢瘴鬼驕
乍醒扶牀如隔世
每來伏枕劇終朝
炎涼身外麤能耐
冰炭胸中未許消
幸得平生輕一歎
風輪火劫聽摧燒
暮春東去早秋還
寂寞三時斷叩關
吾道竟非今始信
世途不困豈甘閒
炎風恰護無衣短
旅病何嫌乞食慳
如此波濤一江隔
莫言覲面是家山

歷歷歸途是去程
峰青浦碧倍傷情
一貧直到無
錐立大錯何須聚
鐵成秉燭妻孥驚
夢寐候門僮
僕愧歡迎草堂自負山靈約
難免移文嘲此行
臥病懷廬荷陳官儀借周卜姪登山垂問畱

宿分韵作

三秋孤枕萬峰巔
竹月松雲共悄然
病忌讀書增
舊懶衰難濟勝
忍愁眠意中人到歸偏速
難後詩
亾寫不全莫訝燈前容鬢改
相逢已是再生緣

除夕

風饕雪虐舊山河
尺璧光陰一擲過
倚杵天低終
有盡麾戈日
迈亦無多苦形
自比寒號鳥
冷眼都
輸春夢婆却笑病軀經九歿
苟全性命待如何

辛酉元旦

丙舍淒涼噩夢身
不知節序爲誰新
懶迎富貴天
窮我肯買癡
猷世幾人欲放寒梅
無奈雪偷生
霜
草可憐春山
中正喜忘時代曆
日傳看覺愴神

送伯兄田伯入都二首

時余病滯里門伯兄歸自章江便道北發因同叔兄由白鹿

送至樅陽乃別

白舫青簾百里賒
淹旬大被話周遮
亦知牽挽終
無計未到別離猶是家
塞雁成羣人獨去
秋燈照

影鬢都華半生聚散同萍梗腸斷西風咽暮笳
短衣匹馬入京師雙闕重城迴未移黃口便經天
寶亂白頭還是義熙時華胥夢去浮雲在秋寺吟
成落葉知四十年來何限事摩抄銅狄不勝悲

懷仲兄都門

載筆無端踏軟塵可憐世事奕碁新監門圖苦頻
年繪平準書奇逐日陳華表久憐歸鶴語玄都又
作看花人不知百萬長安戶何處淒涼寄一身

同叔兄泛白鹿湖

釣臺西畔蓼花灣積水長天杳靄閒菱熟滿川烟
艇開魚荒盡日浦曾閒千羣宿鷺斜陽樹一點寒
燈倒影山坐看浮雲散清漢手攜明月到松關

同叔兄拜廷尉公墓因話天壽諸陵寢感作

三首

葉滿寒林步屨遲殘陽影裏拜豐碑松楸尚飽前
朝澤弓劍偏淡異代悲漢寢寶衣藏有日昭陵石
馬汗無期相看短髮垂垂白家祭何年告一卮
五陵佳氣失崢嶸禁籞多年罷戍兵石闕新垂秋
祀典金泥猶辨寢園名城盤隧道雷霆殷殿冷爐
烟風雨生誰識顯皇偏抱恨之宮摧塌野蒿平

白居山房詩集 卷八
間諭禮部每秋致祭勒石
長陵前 定陵享殿獨毀

黃茅碧瓦小紅門
倉卒南園祔至尊
豈有珠襦還
備物聊依金粟與
招魂龍胡地上髯
何在杜宇枝
頭血尚存
大勝幽蘭軒一炬
至今袴帽泣荒原

紅小

門田貴妃葬處在天
壽山右思陵因之

中秋

蟋蟀聲中閉板扉
星河歷歷雁初飛
松陰礙月頻
移坐嵐氣增寒屢
索衣歡劇不嫌佳
客滿病多先
讓主人歸
天涯兄弟知何許
幾處秋風憶釣磯

石塘暮歸

岸影邛邛浸晚霞
白蘋花裏響魚車
鷺隨潮放如
無主鷗認巢歸竟
有家層疊寒山烟
一抹玲瓏秋
水月重華碧天萬頃
身相接何處還尋
泛海槎

湖邛

我鴨書
夜不歸

叔兄忽動歸志戲題長句畱之

冥搜幾度夢烟霞
纔得峰頭一杖拏
竹屋紙窗閒
世界酒杯詩卷淡
生涯歸心忍似當
風葉勝事看成過
眼花常笑令威身
化鶴一千年尚想
還家

九日同叔兄登柴林絕頂二首

萬仞峰頭共舉杯
更扶衰病上崔嵬
一時潮落空

白居易詩集 卷八
江去何處風吹斷，鴈來正愛縱遊馴。鹿豕爭教清
夢墮，塵埃百年兄弟茱萸會。似此登高得幾回。
兄叔

以明日
將歸

茶熟香清筆墨堆，曲池幽逕足徘徊。三竿日暖眠
猶穩，兩袖雲寒步未回。吟苦時忘生客去，齋餘常
算老僧來。黃花似解離人意，恰到重陽一一開。

陪叔兄過月溪訪徵已上人用甲寅春壁間

舊韻

石林精舍日傾斜，折脚鐺邊試晚茶。竹規泉停秋
雨少，松橋陰薄夕陽賒。空山不管誰爲主，閒客還
來自看花。回首十年塵壁句，感時懷舊一長嗟。

送叔兄至射蛟臺風雨大作共留高館五日

復同舟回鹿莊明日乃別限一東韻

客路紆迴笑轉蓬，身閒何用惱途窮。正思剪燭聽
新雨，恰愛回颿趁逆風。數點茅茨寒靄外，一川簑
笠亂烟中。看看秋色淡如許，幾日林塘又不同。

寄東任鶴峰先生令三河六首

南近長安北近邊，五陵豪橫吏無權。折腰難免輸
元亮，強項猶聞怯董宣。瘠土賦遲徵，隔縣訟庭人
斷閉。經年平生詩酒風流慣，可耐駝酥乳酪羶。
三河

地皆園屯後撥他邑地以補賦稅隔在百餘里外

驛亭供億苦紛拏肆應才長轉自如政簡日添遊
宦稿心閒常答故人書慣迎使節通重譯習覩時
巡拜乘輿歲歲天閑收肉馬可憐騏驥老鹽車
紅杏花邨舊隱殘唯餘二老共盤桓船頭春水平
分坐驢背秋山互換看蓮社多時懷靖節蓴鱸歸
思盼張翰猿嘯鶴怨知多少豈獨才名折一官公舊

隱大龍往還甚密今惟予與淡莊兩人而已

城隅特地剪荆榛霄漢樓高迴絕塵三楚江聲欹
枕遠九華山色捲簾新名花徧乞來精舍丈石間

搜到比鄰一自王人行作吏西莊盡日鎖松筠公結

霄漢樓于皖城東南隅可供遠眺為一郡之冠

鵬鷖逍遙漫解嘲蓋頭自分有蓬茅人情近日反
招隱世態多年廣絕交錦字乍驚天外落柴門何
幸雪中敲素心尚記南邨侶想見徘徊憶故巢戊冬
公忽遣使致書淡莊及余余前此未曾有一字

釣鼇龍伯一何驕三輔黃圖敢動搖地老天荒逢
此日土崩瓦解忽終朝悼亡有賦悲潘鬢多病陳
書歎沈腰只恐民情苦畱戀投簪未許狎漁樵地震

之變三河獨慘公夫人竟壓斃事後告病求免官卒不允

霄漢樓看梅感懷主人

手種南園遶屋梅種梅人去幾花開門封曲逕春
還到檻倚東風客自來恠影老爭詩骨瘦殘香暗
襲酒衫回一枝堪折憑誰寄腸斷江城玉笛哀

孟太守淑子招同范西漢劉超宗感賦二首
示令弟康子孝廉

修篁老樹倚東鄰門掩寒塘風雨春馬巷一鄉推
長者羽觴特地聚閒人誰如賀監還山早獨歎劉
黃下第頻画史書顛收拾遍琳琅克棟莫言貧
幾年避地杏花邨土障茅檐老弟帚住久堦除馴
烏雀情親鄉社會雞豚桑麻接屋春三逕烽火連
天酒一尊轉恨太平居間隔相思容易數寒暄

宗兄定矣招同佟儼若劉超宗任濯公姚綏
仲集蕊香閣

相逢客主各相忘底是他鄉底故鄉雪屋冷都消
密坐春宵短不到歡場八叉競鬪新詩律百罰先
逃舊酒狂爛醉當階騎馬去明朝聚散各茫茫

皖城偶遇喻太守武功先生賦呈二首

兵戈滿眼苦瘡痍枕席憑他自過師才大世無難
了事官清民有太平時龔黃治績唯稱吏元白夸

張但紀詩何似陵陽賢太守文章經濟一人私
條然野鶴在雞羣共許風流屬使君一代憐才孔
北海幾年多病沈休文舟船浪打連江雨城郭寒
封作雪雲獨拜馬頭寧恨晚片言知己昔曾聞

社日集蟄存堂坐客有杏花邨之約以雨阻
未遂

一尊閒聚恰如期到手春光轉眼辭罷課兒非關
社忌暮年人倍惜花時潮生拍岸通舟早火冷燒
畚下種遲虧煞老梅開未歇幾番風雨尚支持時庭

梅盛開田間
先生在座

雨霽客散獨陪田間先生看花大龍

鞭絲帽影拂晴暉亭午寒輕試袷衣熏日菜花黃
不斷漫灘草色綠初肥重游客竟無心換有約人
多敗興歸只此閒情饒變態眼中何恠事都非先

余在大龍與淡莊相訂偕官儀諸子過
訪至是中阻而田間先生實不速之客

將至淡莊遇超宗偕歸擬飯罷仍至杏邨雨

復作而止

一笑相逢不下鞍前邨擬趁夕陽看春風斗酒幾
會醉夜雨繩牀空自寒意快十分天下少事經百
折眼前難却疑世味多時淡底事繁華夢未闌

白鹿山房詩集 卷八
同田間先生及超宗冒雨看花歸飲雲巢
乍晴乍雨亂嗥鴉路繞寒山見復遮信步儘衝橫
嶺霧回頭忽爛滿邨霞松門石磴排書屋麥隴杉
橋散酒家多少貴人看未得不須惆悵欲殘花

蕭半五招飲木瓜園戲呈田間先生

招攜著處與徘徊七十年初看一回絕境豈真前
代隔此中自少外人來幾枝落後春偏好萬樹爭
先雨易摧排日醉過寒食去花茵猶可坐銜杯

孺姪移居源莊感示二首

十年燈火共柴扉卜築翻愁一旦違頭角漸成龍
欲化羽毛將滿鶴初飛竭來海變桑田易似此珠
還合浦稀容膝莫嫌茅屋小且圖丘壠近相依此莊

屢易王今始復
歸去白鹿里許

鹿車初挽是何年竹馬兒童忽滿前松菊正娛三
逕老鷓鴣又托一枝偏錢分子母終難遣竹背公
孫轉自憐記得舊堂名翕樂舉頭深愧昔人賢姪

丑攜家相依今有兩子一女
桂林故第有翕樂堂同居七世始分

山足師書來報秋浦喻太守特赴浮山之約

從遊者范子西漢錢子幼青葉子子謙悵
不得與

江南江北官無數誰肯閒看隔麗山題句客分紅
葉寫隨身吏帶白雲還船橫夕照秋千頃榻下寒
巖月一閒自笑野人何所事九華頻夢未躋攀

秋夜同叔兄泛鹿湖

縱櫂隨風任去畱茶鐺酒榼狎輕鷗潮分洲嶼邨
烟散陰合林塘岸火幽隔浦鐘聲將遠寺中流人
語出歸舟夜淡待月休惆悵畱與他年作快遊

秋日與咎元彥偕過陟園訪孟康子因同野

步

讓泉南畔鴨兒塘訪舊閒來趁夕陽秋水橋頭江

渺渺晚烟城角樹茫茫墳傳諭葬多時毀廟祀孤

忠十世長轉眼浮雲變蒼白笑君偏為著書忙地有

汪尚書墓與余忠宣祠相望

送儼若之豫章

幕府南州別幾春重來遼鶴認難真烟迷津市驚
烽堠霧壓江花想戰塵弩矢可堪逢故吏旌麾稍
喜屬家人即今痛定猶思痛何況當時白髮親是先

尊中丞公守虔有捍賊之功全家居圍城中歲餘今豫章中丞為儼若從祖

葉寫隨身

然中羨余吟齋章中丞為獨苦事九華頻夢未躋攀

喜靈家入唱令敵衣離思敵何必當却白髮照

筆難霖墨玉芬賦輝壘管天何賦金姑吏致壘能

幕初南川保幾春重來齋齋臨驥真剛壯事市黨

語出送獨步之新章休惆悵畱與他年作快遊

忠宣師所聖 與答元珍借過陟園訪孟康子因同賦

忠十世身轉即平雲變蒼白笑吾嗣為著書外

無風如臥遊魚樹茲茲貴事信華多却疑臆亦不

